

Upplýsingar fyrir einstaklinga sem koma í viðtal til ráðgjafa VIRK

Tilgangur þjónustu VIRK er að aðstoða fólk við að komast aftur í vinnu. Um er að ræða markvissa ráðgjöf sem snýr að starfsendurhæfingu og krefst fullrar þátttöku viðkomandi einstaklings. Þjónustan er ferli sem felur í sér greiningu á stöðu og möguleikum eftir verkferlum VIRK. Strax í upphafi ferils eru áætluð tímasett lok starfsendurhæfingarinnar sett fram.

Fljótlega eftir að einstaklingur hefur þjónustu hjá VIRK er mál hans tekið fyrir af þverfaglegu teymi til að tryggja sem besta þjónustu og setja upp einstaklingsmiðaða áætlun til starfsendurhæfingar. Í þverfaglegu teymi starfa m.a. lækningar, sjúkraþjálfarar, sálfræðingar, iðjuþjálfar og félagsráðgjafar eftir þörfum hvers og eins.

Miðað er við að einstaklingur sé með vottaðan heilsubrest frá lækni þegar hann kemur til ráðgjafa VIRK. Ráðgjafar starfa alltaf í samráði við lækni og því getur það sparað talsverðan tíma ef lækni sendir með einstaklingi stutt læknaþrátt eða aðrar upplýsingar sem hann telur að geti gagnast í starfsendurhæfingu viðkomandi einstaklings. Einnig er mögulegt fyrir lækni að fylla út og senda beiðni um þjónustu sem aðgengileg er í Sögu og á heimasíðu VIRK; <http://virk.is/page/samstarf-vid-laekna>.

Meginskilyrði fyrir aðstoð hjá VIRK eru tvö:

- Að viðkomandi geti ekki sinnt starfi sínu eða tekið þátt á vinnumarkaði vegna hindrana af völdum heilsubrests sem rekja má til veikinda eða slysa. Um er að ræða fjarvistir frá vinnu í lengri tíma eða mjög tíðar skammtímafjarvistir vegna heilsubrests af andlegum eða líkamlegum toga.
- Að markmið einstaklings sé að verða virkur þátttakandi á vinnumarkaði, eða auka þátttöku sína á vinnumarkaði.



Auk þess er nauðsynlegt að:

- Geta og vilji sé til staðar til að taka markvissan þátt í starfsendurhæfingu. Viðkomandi þarf að vera fær um að axla ábyrgð á eigin lífi, geta tekið þátt í athöfnum daglegs lífs og sinnt nauðsynlegum þáttum endurhæfingar / starfsendurhæfingar.
- Þjónustan sé líkleg til árangurs á þeim tíma sem hún er veitt.
- Samráð sé við viðeigandi aðila, t.d. heimilislækni, meðferðaraðila og atvinnurekanda.

Starfsfólki VIRK er umhugað um að starfsendurhæfingin skili sem bestum árangri þegar til framtíðar er litið og mun starfsmaður VIRK því hafa samband við einstakling eftir lok þjónustu.

Að gefnu tilefni er rétt að taka fram að ef einstaklingur sinnir ekki boði um þjónustu VIRK, hvort sem um er að ræða í upphafi eða eftir að þjónusta hefst og ekki næst í hann í síma í þrígang, er litið svo á að hann afþakki þjónustu VIRK eða hann sé hættur í þjónustu VIRK.

Ef þú hefur ábendingar varðandi þjónustuna þá vinsamlegast snúðu þér til ráðgjafa þíns eða sérfræðings starfsendurhæfingarsviðs VIRK í síma 535-5700.